



ILLVSTRISSIMO. NOBILISSIMOQVE VIRO
LVDOVICO GIRARD
 COMITI CONSISTORIANO.
 RATIONVM REGIARVM CATHOLICO
 PROCVRATORI, &c.

F.M.P.
 BIBLIOTHEQUE

EN tuis adiacens pedibus Medicina nostra, Vir Illustrissime, præsentem petis dextra fauentis opem, & salutis reparatrix alienæ, salutem sibi ipsa efflagitat. Nisicam puderet, hominum, quorum stat vel resurgit per ipsam incolumitas, implorare auxilium; tantum non ausa esset subsidium querere, nec si eo quo laborat, periculo posset mortali facultate liberari, virtutem immortalem sollicitaret. Immortalis autem ea virtus, quæ mortuis superstes, & quæ post maiorum fata, in posterum salua est, & mortis nescia æternum viuui. Hac paulo fortè obscuriora videbuntur ijs, qui magistratus amplissimi, à parentibus tuis integerrimè gesti hæc dem integerrimum nescient te & factum, & heredes eiusdem integerrimos facturum. At quibus paret longæ ista, continuæque dignitatis & innocentie successio, iam dudum propagata in te, & à te in filios propaganda; iis notissima est domesticæ tuæ virtutis immortalitas, quæ quia comitem in vobis omnibus nacta, & nactura est rerum omnium cognitionem, eo & vos beat illustris, & mihi potentius fauebit.

QVÆSTIO MEDICA.

QVOD LIBETARIIS DISPUTATIONIBVS MANE DISCVTIENDA

IN SCHOLIS MEDICORVM DIE IOVIS VLTIMA IANVARII.

M. TVSSANO FONTAINE Doctore Medico, Præside.

Est-ne in Medico ratio experientia potior?

488

MEDICVS ratione atque experientia nixus ingreditur. Nam intellecta cuiusque propria natura, quæ grauius ingruunt corpori, ex symptomatis, causis, partium dignitate expendit; ut morbis cognitis sensuum, & mentis acie, bene penitus sese insinuet in abstrusiores naturæ thesauros, atque inde eruat depromatque remedia, quæ opportunissima crediderit. Experientia autem felices illorum successus obseruat, ut rationis inuenta & cogitata confirmet: ita est utraque altera sine altera debilis: quamuis enim in excolendis artibus principatum teneat ratio, nunquam tamen experientiam tanquam ancillam & pedisequam dedignatur. Pauci sunt quibus optima temperiei splendor igneus sic affluit, eamque iudicii acrimoniam indidit, ut longo rerum usu nihil prudentiores futuri sint.

IVINÆ auræ particula ratio mortalibus adspirat: tum si in Medico conuenienti doctrinâ exculta est, eiusque acies ita curata fuit, ut nullo errore cæci possit, sit perfecta quædam & consummata medendi virtus, cui parum experientia addiderit: hæc autem dum feris ab annis venit, qui ei se totos mancipant, melioris ætatis iacturâ redimunt, ut quid melius sit videre incipiant, cum de vita illis migrandum est. Contraria ratio siue prudentioris Medici absoluta mens sublimi, ac viuâ cogitatione lentam annorum moram præuertit, estque ipsa sibi longior usus, & disciplinæ compendium: ut quantum acre ingenium memoriæ antecellit tantum sit præstantius prudenti suo consilio morbis subuenire quam onustum fortumque pectus suis vel alienis obseruationibus ad ægros afferre.

ALLIDVM usus diuturnus, ratio prudentem ac sapientem Medicum facit. Quisquis enim maximè perspicit, quid, cuique naturæ conueniat & celerrimè potest morbum eiusque causas videre, & præscindendi mali confestim explicare rationem, is in medendo prudentissimus & sapientissimus ritè habetur. Sed munus rationis proprium est, ut singulares temperamentorum differentias excutiat, morborum omnes causas videat, & appositè morbo ægotantisque naturæ medicinam temperet, ea omnia, vix & quasi per nebulam, multo post tempore experientia retegat, dum morborum quasdam similitudines excipit, quæ nisi attentâ mentis acie perpendantur, Medicis sapientissimè imponunt, ut etiam in experientiæ regno plurima sit rationis authoritas: quid enim melius affectuum similitudines comparet quam illa vis animi, quæ sola rerum conuenientias & discrimina iudicat? Ut autem in cognoscendis ita & in curandis morbis dominatur ratio, quæ remedia tam acriter & castigato iudicio expendit, ut nullum pluribus licet euentis exploratum vtendum sibi permittat antequam causas morbi examinauerit, ægri naturam, consuetudinem, vires, ætatem, loci aërisque temperiem, & cum his omnibus offerendum remedium commetiatur.

VERSATVR in re infinita Medicus, dum eundem morbum in diuersis temporibus, locis, personis considerat: pro dissimilibus semper naturis & morbis, dissimilis quoque Medicina excogitanda est; quin etiam eodem recurrente affectu vix eadem curatio repetenda sit: prodest tamen aliquid usus Medico, ut, qui sæpius cum morbis conficitur, non spernenda calliditate aduersus futuros illorum impetus muniatur. Sed mens acris, versuta, prudens, sola inuictum facit Medicum: siquidem ille omnia ex rationis consilio gerens, nihil de morbis, aut remediis quam primum statuit, quod ægris profuturum non sit; medendi verò peritia, quam usus peperit, inutilis & sapientissimè noxia est nisi rationi obtemperet, quæ similis incepti successus varios sic obseruare nouit, ut felicibus prudenter utatur, atque ex aduersis boni aliquid decerpit.

ARTIVM duplex genus: nam aliæ dum otiosæ naturæ alicuius contemplatione, aut rei facilius inuestigatione tenentur, tam ex seipsis apta habent omnia, quæ ad finem consequendum ferunt, ut falli & cæptis excidere raro contingat: in his artibus æquo laudis discrimine versantur ratione vel usu penti artifices. Aliæ sunt, quæ coniecturâ continentur, quæque suspensæ ex infinitarum rerum casu bono, vel contrario, pendere ex opinabilibus euentis, & ingratis errare sæpè coguntur: in istis ratio experientiæ præstat. Sic Medicinæ magni obuiantur errores; in morbis præsertim in quibus, & paruis momentis multa meliora aut deteriora fiunt, & quod semel peccatum est, secunda ut plurimum, & meliori cogitatione emendari non potest: euentum tamen susceptæ curationis tam regit ratio, ut nunquam aliorum euasura sit, quam longè ante viderit. Scilicet dubios morborum euentus faciunt, cause variæ, & nonnunquam contrariæ, fluxus ægotantium vires, & sæpe nullo usu nota locorum tempestatumque importunitas: nihilominus tantam rerum molem sic versat sagacioris ingenii solertia, ut quamuis ex usu longo morbis medicinam quæsiuerit: summo tamen, & vniuersi ferme rationis consilio omnia impertita fuisse successus probet.

Est ergo in Medico ratio experientia potior.

Proponebat Lutetiæ ROLANDVS MERLET Parisinus. A. R. S. H. M. DC. XLI.

DOMINI DOCTORES DISPUTATVR.

M. Petrus Richer.

M. Mathurin Denys.

M. Franciscus le Vignon.

M. Petrus Legier.

M. Ioannes Chartier, M. R.

M. Ioannes Pietre.

M. Thomas Gamare.

M. Antonius Charpentier.

M. Franciscus Pijart.

